



Broj: 02/1-9-23-1453/18
Breza, 23.05.2018. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na vijećničko pitanje

U okviru vijećničkih pitanja na sjednici Općinskog vijeća Breza koja je održana 14.05.2018. godine, vijećnik Sirotanović Arif je postavio vijećničko pitanje koje glasi:

„ Na području puta od Bukovika do Orahova postoje udarne rupe koje su opasne za vozila i putnike. Također postoji klizište iznad Opreča koje treba da se sanira. Predlažem da se poprave udarne rupe, a posebno od Slivna do Orahova. Napominjem da je već donesen zaključak da se poprave udarne rupe u što kraćem roku.“

U vezi postavljenog vijećničkog pitanja, dajemo sljedeći odgovor :

Godišnji Plan i Program redovnog održavanja i zaštite javnih cesta na području Općine Breza za 2018. godine je usvojen od strane Općinskog vijeća. Aktivnosti na provođenju godišnjeg Plana i Programa Općinski načelnik je povjerio Javnom preduzeću „Komunalno“ d.o.o. Breza putem Ugovora o održavanju cesta u ljetnom periodu broj: 01/2-05-1152/18 od 19.04.2018. godine.

Sastavni dio Ugovora jeste tehnička specifikacija definisanih pozicija radova na redovnom održavanju cesta. U tom smislu je, pored ostalih pozicija, planirana i sanacija udarnih rupa, kao i ugradnja tamponskih materijala na makadamskim putevima. U skladu s usvojenim dinamičkim planom, dana 07.05.2018. godine je od strane nadležne službe dat nalog JP „Komunalno“ d.o.o. Breza za isporuku i ugradnju tamponskog materijala na dionici Jablanovo-Orahovo, dok će se u narednom periodu bit će provedene aktivnosti na sanaciji preostalih udarnih rupa na LP Breza- Mahmutović Rijeka, jer je jedan dio urađen u prethodnom periodu. Za klizište iznad naselja Opreč Općine Breza će u narednom periodu angažovati stručna lica kako bi se proveli pripremni i istražni radovi, radi definisanja svih ulaznih parametara, koji će biti osnov za izradu odgovarajuće projektno – tehničke dokumentacije. Tek po obezbjeđenju svih ovih uslova, moći će se pristupiti sanaciji klizišta iznad naselja Opreč.

Obrađivač: R.Mušanović

Dostavljeno
1 x Naslov
1 x evidencija
1 x a/a

Pomoćnik načelnika

Salih Hasanspahić